



DISCIPLINSKI PRAVILNIKSTRELJAČKOG SAVEZA
FEDERACIJE BOSNE I HERCEGOVINE

Sarajevo, januar 2023. godine

Streljački savez Federacije Bosne i Hercegovine



DISCIPLINSKI PRAVILNIK
STRELJAČKOG SAVEZA
FEDERACIJE BOSNE I HERCEGOVINE

Januar, 2023. godine

OPĆE ODREDBE

Član 1.

Disciplinski pravilnik Streljačkog saveza Federacije Bosne i Hercegovine (u daljem tekstu „Savez“) štiti od nasilja, samovolje i nesportskog ponašanja članova, organe i poredak Saveza, red i mir na takmičenjima i ugled streljačkog sporta uopšte.

Član 2.

Odredbe ovog pravilnika će se primjenivati na sve članove Saveza, takmičare i sportske radnike koji učestvuju u sprovođenju programa Saveza i takmičenja.

Član 3.

Nepoznavnje Statuta Saveza i drugih propisa i odluka koje se odnose na rad Saveza, sprovođenje programa rada i takmičenja ne oslobađa od odgovornosti.

Član 4.

Disciplinska mjera će se izreći izvršiocu prekršaja, kao i saučesnicima (podstrekačima i pomagačima).

Saučesnici mogu biti kažnjeni kao izvršioci a mogu se i blaže kazniti.

Član 5.

Ako je učinilac jednom radnjom ili više radnji učinio više prekršaja, kaznit će se jedinstvenom disciplinskom mjerom, najtežom po vrsti, s tim što ona ne može preći zbirpojedinačno utvrđenih mjera, niti biti dvostruko teža od najteže disciplinske mjere.

Član 6.

Prilikom odlučivanja o disciplinskoj odgovornosti i disciplinskoj mjeri vodiće se računo svim okolnostima koje utiču da disciplinska mjera bude teža ili lakša (otežavajuće i olakšavajuće okolnosti), a naročito stepen disciplinske odgovornosti, pobude iz kojih je prekršaj učinjen, stepen povrede zaštićenog dobra, okolnosti pod kojim je prekršaj učinjen, ranije ponašanje učinioca, njegove lične prilike i njegovo držanje poslije učinjenog prekršaja i ponašanje pred disciplinskim organima.

Kada se odmjerava disciplinska mjera za prekršaj izvršen u povratu, posebno će se voditi računa da li je ranije izvršen prekršaj iste vrste, da li su oba prekršaja izvršena iz istih pobuda i koliko je vremena proteklo od ranije izvršenog prekršaja.

Član 7.

Učiniocu prekršaja se može izreći disciplinska mjera uslovno i to tako što mu se utvrđuje disciplinska mjera i istovremeno određuje da se ona neće izvršiti ako osuđeni za vrijeme koje odredi disciplinski organ ne učini novi prekršaj.

Član 8.

Takmičar kažnjen u jednoj sportskoj disciplini ili kategoriji nema pravo nastupa u drugoj disciplini ili kategoriji, dok se disciplinska mjera ne izvrši.

DISCIPLINSKE MJERE

Član 9.

Ovim pravilnikom se određuju sljedeće disciplinske mjere:

1. Opomena;
2. Novčana kazna do visine petostrukog iznosa kotizacije za takmičenje na koje se odnosi;
3. Zabrana nastupa na određenom takmičenju;
4. Zabrana nastupa na takmičenjima za određeno vrijeme;
5. Zabrana vršenja funkcije na određenom takmičenju ili određenom organu;
6. Zabrana vršenja funkcije za određeno vrijeme;
7. Isključenje iz Saveza.

Ukoliko lice kome je izrečena disciplinska mjera – novčana kazna ne plati novčanu kaznu u utvrđenom roku, po pravosnažnosti odluke o izrečenoj disciplinskoj mjeri, Disciplinska komisija može odlučiti da se novčana kazna zamjeni drugom disciplinskom mjerom.

U slučaju da postoje osnovi sumnje da je radnjom izvršenja počinjen prekršaj predviđen Zakonom o prekršajima FBiH ili krivično djelo predviđeno Krivičnim zakonom FBiH, Disciplinska komisija, podnijet će odgovarajuću prijavu nadležnom organu.

ORGANI POSTUPKA

Član 10.

Prvostepeni postupka se vodi pred Disciplinskom komisijom Saveza.

Disciplinska komisija odlučuje u vijeću od tri člana koje bira Skupština.

U slučaju da je bilo koji član Disciplinske komisije spriječen iz bilo kojeg razloga, da učestvuje u postupku, Upravni odbor postavlja novog člana/članove, kako bi se postupak proveo.

Članovi disciplinske komisije ne mogu biti članovi nekog drugog organa Saveza.

Drugostepeni organ je Upravni odbor.

ZASTARJELOST

Član 11.

Disciplinski postupak se može pokrenuti u roku od tri mjeseca od dana kada je prekršaj izvršen, ili se za njega saznalo, a apsolutna zastarjelost prekršajne odgovornosti nastupa u roku od dvije godine od dana kada je prekršaj učinjen.

Zastarjevanje se prekida svakom radnjom koja se preduzima radi gonjenja učinioca zbog izvršenog prekršaja, kao kada učinilac dok teče rok zastarjelosti učini novi prekršaj.

Izrečena disciplinska mjera se ne može izvršiti ako izvršenje nije započeto a proteklo je godinu dana od dana kada je pravosnažno okončan postupak.

POSEBNI DIO

Član 12.

Ko fizički napadne svog ili protivničkog takmičara, sudiju, trenera, člana rukovodstva, delegata, stručnog ili tehničkog rukovodioca ili gledaoca, kaznit će se zabranom nastupa ili obavljanja funkcije u trajanju od jedne do dvije godine.

Član 13.

Ko psovanjem, neprirodnim gestovima, omalovažavanjem, prigovaranjem službenim licima i takmičarima, ili na drugi način nesportskim ponašanjem narušava red i mir natakmičenjima ili službenim skupovima, kaznit će se zabranom nastupa ili obavljanja funkcije u trajanju jedne godine.

Ako usljed prekršaja iz predhodnog stava dođe do prekida takmičenja ili skupa, učinilac će se kazniti zabranom nastupa ili obavljanja funkcije u trajanju od jedne od dvije godine.

Član 14.

Ko o sebi ili drugome daje netačne podatke ili koristi preinačene ili lažne isprave od značaja za takmičenje ili drugu službenu upotrebu, ili na drugi način ometa takmičenje, kaznit će se zabranom nastupa ili zabranom vršenja funkcije od šest mjeseci do dvije godine.

Član 15.

Ko koristi narkotična i druga zabranjena doping sredstva sa liste zabranjenih sredstva u streljačkom sportu ili na drugi način ugoržava svoje i zdravlje drugih, kaznit će se zabranom nastupa ili obavljanja funkcije u trajanju od šest mjeseci do dvije godine.

Član 16.

Ko od strijelaca uživa alkoholna pića na takmičenjima ili pripremama kaznit će se zabranom nastupa ili obavljanja funkcije u trajanju od šest mjeseci do jedne godine.

Član 17.

Ko svojim ponašanjem i aktivnostima vrši bilo koju vrstu diskriminacije po rasnoj, vjerskoj i nacionalnoj osnovi, kaznit će se zabranom nastupa ili obavljanja funkcije u trajanju od šest mjeseci do godine dana.

Član 18.

Ko nastupa na takmičenju iako je pod izrečenom disciplinskom mjerom, kaznit će se zabranom nastupa do jedne godine.

Matični klub takvog takmičara kaznit će se novčanom kaznom u iznosu od 500,00 KM.

Član 19.

Ko na pripremama za određeno takmičenje ne ostvaruju svoju funkciju ili plan treninga, kaznit će se zabranom nastupa na tom takmičenju ili zabranom nastupa ili obavljanja funkcije do šest mjeseci.

Učiniocu prekršaja iz predhodnog stava se uz disciplinsku prijavu od strane nadležnog službenog lica može odmah predložiti suspenzija do okončanja disciplinskog postupka.

U lakšim slučajevima prekršaja iz predhodnog stava, učiniocu se može izreći opomena.

Član 20.

Ko u organizaciji sprovođenja takmičenja kršenjem odredbi Pravilnika takmičenja utiče na njegovu regularnost, kaznit će se zabranom učešća u organizaciji i sprovođenju takmičenja u trajanju od jedne godine.

Član 21.

Lice koje zaduži opremu Saveza, pa je ošteti ili izgubi, osim u slučaju više sile ili usljed događaja na koji se nije moglo utjecati, dužno je da opremu dovede u stanje u kome je primjena, odnosno da nadoknadi njenu vrijednost, a može se i novčano kazniti u dvostrukom iznosu.

Član 22.

Ko i pored izrečene disciplinske mjere ili više njih ponavlja vršenje prekršaja može se kazniti zabranom nastupa na takmičenjima a klub kojem pripada isključenjem iz Saveza.

VOĐENJE DISCIPLINSKOG POSTUPKA

Član 23.

Disciplinski postupka se pokreće podnošenjem disciplinske prijave Disciplinskoj komisiji, od strane svakog lica koje ima saznanje da je izvršen prekršaj predviđen ovim pravilnikom. U prijavi se navode okolnosti, lica i dokazi na kojima se prijava zasniva. Za lažno prijavljivanje se odgovara po odredbama koje važe za prekršaj koji se lažno prijavljuje.

Član 24.

Po prijemu prijave Disciplinska komisija će razmotriti da li postoje osnovi sumnje da uprijavi opisana radnja predstavlja disciplinski prekršaj, te ako nema osnove za pokretanje disciplinskog postupka ili je došlo do zastare, odbacit će prijavu i o tome pismenim putem obavijestiti podnosioca prijave obrazloženom odlukom. Odluku iz predhodog stava Disciplinska komisija će donijeti u roku od 15 dana. Protiv navedene odluke podnosilac prijave ima pravo žalbe Upravnom odboru Saveza u roku od osam dana od dana prijema.

Član 25.

Ukoliko je uz prijavu predložena suspenzija, Disciplinska komisija će o prijedlogu zasuspenziju odlučiti po hitnom postupku, s tim što se protiv odluke o suspenziji nemapravo žalbe.

Član 26.

Ukoliko postoje osnovi sumnje da je počinjen disciplinski prekršaj, Disciplinska komisija će pismenim pozivom obavijestiti osumnjičenog o vremenu i mjestu njegovog ispitivanja, a može zatražiti da osumnjičeni dostavi Disciplinskom sudu svoju izjavu. Disciplinska komisija je ovlaštena da pribavi sve potrebne podatke i izvještaje, pri čemu svi članovi streljačkog kluba, organi i komisije dužni da tražene podatke bez odlaganja dostave. Disciplinska komisija zakazuje glavni pretres na koji se pozivaju osumnjičeni, podnosilac prijave i druga lica, te se na glavnom pretresu izvode potrebni dokazi i uvrštavaju sporne činjenice. Glavni pretres će se održati i bez pristustva osumnjičenog, ukoliko postoje dokazi da isti izbjegava pozive ili se izjasni da neće da pristupi Disciplinskoj komisiji. O radnjama koje izvodi Disciplinska komisija vodi se zapisnik.

Član 27.

Disciplinska komisija donosi odluku u formi odluke koja sadrži službeni broj, uvod, izreku, obrazloženje te pouku o pravnom lijeku. Izreka sadrži kratak činjenični opis prekršaja, odredbu iz ovog pravilnika i disciplinsku njeru koja se izriče ako je osumnjičeni kriv, odredbu da se osumnjičeni proglašava da nije kriv ili

postoje okolnosti koje isključuju disciplinsku odgovornost.

U obrazloženju se navode činjenice i dokazi na osnovu kojih je utvrđeno činjenično stanje na kome se zasniva odluka.

Član 28.

Protiv odluke prvostepenog organa osumnjičeni ili podnosilac prijave imaju pravo žalbe Upravnom odboru Saveza, u roku od osam dana od dana prijema prvostepene odluke.

Član 29.

Žalba se može izjaviti:

1. Zbog povrede odredbi disciplinskog postupka;
2. Zbog nepotpunog i pogrešno utvrđenog činjeničnog stanja;
3. Zbog pogrešne primjene odredaba o disciplinskoj odgovornosti.

Član 30.

Upravni odbor o žalbi protiv prvostepene odluke odlučuje na prvoj sjednici od kada je žalba podnijeta, s tim da je izvještilac po predmetu generalni sekretar Saveza ili za to ovlašteni član Upravnog odbora.

Odlučujući o žalbi Upravni odbor može žalbu odbaciti kao neblagovremenu ili podnijetu od neovlaštenog lica, odbiti žalbu i potvrditi prvostepenu odluku, žalbu uvažiti i prvostepenu odluku ukinuti i predmet vratiti na ponovni postupak, uz primjedbe šta treba utvrditi u ponovnom postupku, ili preinačiti prvostepenu odluku u pogledu odlukeo disciplinskoj mjeri. Pismena odluka Upravnog odbora se dostavlja licu protiv koga je postupak vođen, matičnom klubu i podnosiocu prijave.

OBNOVA POSTUPKA I VANREDNO UBLAŽAVANJE DISCIPLINSKE MJERE

Član 31.

Pravosnažno okončan postupak se može ponoviti u slučajevima:

1. Ako je prvostepena odluka zasnovana na lažnim dokazima;
2. Ako postoje nove činjenice i dokazi koji bi sami za sebe ili u vezi sa ranije postojećim dokazima doveli do oslobađajuće odluke ili izricanja znatno blaže diciplinske mjere.

Prijedlog za obnovu postupka ne zadržava izvršenje pravosnažno izrečene disciplinske mjere.

Prijedlog za obnovu postupka podnosi se prvostepenom disciplinskom organu koji onjemu donosi odluku kojom odobrava obnovu postupka ili odbija prijedlog.

Protiv odluke iz predhodnog stava dozvoljena je žalba Upravnom odboru Saveza i roku od osam dana od dana prijema odluke.

Član 32.

Zahtjev za vanredno ublažavanje disciplinske mjere može se podnijeti Upravnom odboru Saveza kada protekne polovina vremena izvršenja disciplinske mjere, a postoje okolnosti koje ukazuju da je svrha izrečene disciplinske mjere postignuta.

Upravni odbor će prije donošenja odluke pribaviti pismeno mišljenje Disciplinske komisije. Zahtjev se može odbaciti, odbiti ili uvažiti u cijelosti ili djelimično.

EVIDENCIJA IZREČENIH DISCIPLINSKIH MJERA

Član 33.

Pravosnažno izrečene disciplinske mjere uvode se u knjigu evidencije disciplinskih mjera koju vodi Disciplinska komisija Saveza.

U knjizi se upisuje redni broj, prezime, ime jednog roditelja, ime lica kome je izrečena disciplinska mjera, naziv kluba, broj članske kartice ili dugog dokumenta za identifikaciju, vrsta i visina discipline mjere, broj i datum donošenja odluke i primjedba.

ZAVRŠNE ODREDBE

Član 34.

Na učinioce prekršaja primjenjuje se Pravilnik koji važi u vrijeme kada je prekršaj učinjen.

Član 35.

Tumačenje odredaba ovog pravilnika je u nadležnosti Skupštine Saveza.

Broj: _____

Datum: _____

PREDSJEDNIK UO SS FBiH
Rašid Kasumović